

POSEBNI PRAVILNIK UTRKE UBRZANJA

OLD SCHOOL STREET RACE MOSTAR 2019

**Šampionat Bosne i Hercegovine
i regije**

AERODROM MOSTAR, PISTA KOSOR MOSTAR

ORGANIZATOR AUTO MOTO KLUB EXTREME MOSTAR

P R O G R A M

S U B O T A 15.06.2019

07:00 - 10:00 PRIJAVE ZA UTRKU

10:30 - 11:30 TEST VOŽNJE

11:30 do 12:30 KVALIFIKACIJSKE VOŽNJE

12:30 do 18:00 UTRKE UBRZANJA (STREET RACE), UTRKE UBRZANJA ZA ŠAMPIONAT BIH, ŠAMPIONAT SRBIJE I PRVENSTVO HRVATSKE I PRVENSTVO REGIJE U DISCIPLINI A10

19:00 h DODJELE NAGRADA NAJBRŽEM AUTOMOBILU TE PEHARI I NOVČANE NAGRADE NAJBOLJIM VOZAČIMA

Kroz cijelo vrijeme održavanja utrka također će se održavati razne nagradne igre za publiku.

Cijena ulaznice - 5KM

Test vožnja (minimalno 4 vožnje uključene u cijenu) - 10KM

Cijena prijave za utrku - 50KM

NEDJELJA 16.06.2019

8:00 - 10:00 PRIJAVE ZA UTRKU

10:00 - 11:30 TEST VOŽNJE

11:30 - 12:30 KVALIFIKACIJSKE VOŽNJE

12:30 – 18:00 UTRKE UBRZANJA ZA ŠAMPIONAT BIH I PRVENSTVO REGIJE

18:00 h DODJELE NAGRADA NAJBRŽEM AUTOMOBILU TE PEHARI I NOVČANE NAGRADE NAJBOLJIM VOZAČIMA

DB Drag i Street Style kao i natjecanje u glasnoći ispuha u organizaciji održavaju se u nedjelju tokom cijelog dana.

Kroz cijelo vrijeme održavanja utrka također će se održavati razne nagradne igre za publiku, stunt točke, sexy car wash i ostali zabavni program.

Član 1.

AMK EXTREME iz Mostara organizator je auto utrke na 402m pod nazivom "OLD SCHOOL STREET RACE 2019", koja je upisana u kalendar takmičenja nacionalnih Šampionata Bosne i Hercegovine i regije.

Takmičenje će se održati od 15.06 do 16.09.2019. godine na mostarskoj pisti Kosor.

Takmičenje se boduje za Šampionat Bosne i Hercegovine, Šampionat Srbije, Prvenstvo Hrvatske i Prvenstvo regije.

Član 2.

Takmičenje se održava prema odredbama Međunarodnog sportskog pravilnika FIA (ISC), pravilnika FIM i njegovih dodataka, Pravilnika BiHAMK-a/SAMSBiH, pravilnika iz regije i ovog Posebnog pravilnika.

Član 3.

ORGANIZACIONI ODBOR

Predsjednik: Daniel Vidović

Potpredsjednik: Goran Krešić

Potpredsjednik: Jožef Ambruž

SPORTSKA KOMISIJA (ŽIRI) TAKMIČENJA

Predsjednik: Jožef Ambruž

Član: Goran Krešić

Član: Sead Agić

RUKOVODSTVO TRKE

Direktor: Jožef Ambruž

Pomoćnik direktora za bezbjednost: Goran Krešić

Pomoćnik direktora za suđenje: Denis Kapetanović

Predsjednik TKO: Mario Prga

Predsjednik verifikacije: Dalibor Ostojčić

Obrada rezultata : STARTER TIMING

Voditelj predstarta: Dalibor Ostojić
Voditelj zatvorenog parkirališta: Antonio
Antunović
Voditelj parka vozača: Marin Bilić
Voditelj medicinske službe: dežurni ljekar manifestacije
Osoba za kontakt sa vozačima: Goran Krešić

Član 4.

OSOBE ZA KONTAKT U PRIPREMI MANIFESTACIJE

Daniel Vidović, tel: +387 63 700 219

Član 5.

ADRESA KANCELARIJE TAKMIČENJA

Rudarska 95, Mostar

Član 6.

SLUŽBENE OGLASNE TABLE

Nalazi se u parku vozača na ulazu u predstartni prostor.

Član 7.

MJERENJE VREMENA

Mjerenje vremena obavljati će se laserskim mjernim uređajima STARTER.

Član 8.

BODOVANJE

Takmičenje se boduje u skladu s pravilnicima navedenim u članu 1. ovog Pravilnika.

Član 9.

USLOVI ZA VOZILA

Na takmičenju mogu učestvovati vozači s vozilima koja su pripremljena u skladu s pripadajućim propisima iz pravilnika za sezonu 2016.

Član 10.

USLOVI ZA VOZAČE

Pravo učestvovanja na trci imaju svi uredno prijavljeni vozači koji posjeduju:

- a) vozačku licencu važeću za 2019. godinu u skladu s pravilnicima navedenim u članu 1. Ovog Pravilnika,
- b) Potvrdu o uplaćenju startnini za nastup u takmičenju,

Iznosi startnine/upisnine:

50 KM / 25 € na dan takmicenja.

- c) Uz originalnu prijavu na takmičenje obavezno je priložiti potvrdu o uplaćenju startnini za takmičenje, te polisu osiguranja
- d) Na treningu i trci, obavezna je upotreba propisane opreme .
- e) Svaki takmičar – vozač, potpisom prijave za učešće u takmičenju, odriče se svih prava na naknadu vezanu za nezgode koje bi se mogle dogoditi takmičaru – vozaču ili njihovim mehaničarima tokom treninga ili trke, ili za vrijeme puta od parka vozača do staze i nazad.

Član 11.

PRIJAVE

U prijavu moraju biti upisani svi traženi podaci. Prijava mora biti potpisana od vozača. Neovjerene, nepotpune ili nejasno ispunjene prijave neće biti prihvaćene. Potpisom prijave vozač i/ili takmičari obvezuju se pridržavati odredbi svih pravila navedenih u članu 2. ovog Posebnog pravilnika. Nepridržavanje odredbi bilo kojeg pravilnika ima za posljedicu odgovornost takmičara i vozača.

Član 12.

REKLAMIRANJE

Obavezna reklama organizatora nalazi se iznad startnog broja sa obje strane vozila i biti će propisana Biltenom br: 1 i ne može se odbiti. Neobavezne reklame organizatora biti će propisane u Biltenu br: 1, a vozači ih mogu odbiti bez plaćanje naknade.

Član 13.

PRIJEM, TEHNIČKI PRIJEM I VERIFIKACIJA

Prijem vozača i tehnički prijem vozila obavljat će se prema Programu takmičenja . Mjerodavno za utvrđivanje regularnog pristupa tehničkom pregledu i verifikaciji je vrijeme prijave vozača verifikacionoj komisiji i prijave vozila tehničkoj komisiji, a prema rasporedu iz Programa takmičenja.

Tehnički prijem bit će organizovan u skladu s pravilnicima navedenim u članu 1. ovog Pravilnika.

Organizator će na vlastitu inicijativu primiti i zakašnjele vozače u odnosu na navedenu satnicu takmičenja.

Svaki vozač može na tehničkom prijemu prijaviti rezervni automobil, ali samo u klasi u kojoj je prijavljen za takmičenje.

Takmičarski automobil jednog vozača ne može istodobno biti i rezervni automobil drugog ili više vozača. Pod takmičarskim automobilom jednog vozača podrazumijeva se da je prijavljen na ime vozača i s njim napravljen tehnički pregled i verifikacija.

Rezervni automobili moraju se nalaziti u servisnom parkiralištu ukoliko se ne koriste. Rezervni automobil ili motor na treningu može koristiti bilo koji vozač. Ali, od trenutka kada ga je prvi puta koristio jedan vozač, ne može ga više koristiti ni jedan od preostalih vozača kojima je taj korišteni automobil, služio kao rezervni.

U toku trke automobili se ne mogu mijenjati.

Član 14.

STAZA

Takmičenje se održava na stazi mostarska pista Kosor.

Član 15.

STARTNI BROJEVI

Startne brojeve osigurava organizator.

Član 16.

PARK VOZAČA I ZATVORENO PARKIRALIŠTE

Park vozača nalazi se u sklopu Piste.

Član 17.

SASTANAK S VOZAČIMA

Prije početka takmičenja organizator će održati sastanak s vozačima i takmičarima, čija je prisutnost obavezna, a prema satnici iz programa takmičenja.

Član 18.

TRENING

Trening je slobodan i nije obavezujući do početka kvalifikacija.

Član 19.

STARTNA PROCEDURA

U skladu sa propisanim pravilnikom za sezonu 2019.

Član 20.

PRIGOVORI I APELI

Prigovori i apeli podnose se u skladu s ISC i Pravilnikom o auto sportovima.

Član 21.

NAGRADE

Nagrade se dodjeljuju u skladu s pravilnicima za sezonu 2019.

Član 22.

ZAVRŠNE ODREDBE

Ovaj Posebni pravilnik usvojen je na sjednici organizacionog odbora 28.05.2019.godine. Tumačenje i eventualne izmjene ovog pravilnika su u nadležnosti organizatora i žirija takmičenja.

Organizator AMK Extreme

Predsjednik Daniel Vidović 063/700-219